

Aṅwà'ànè Paul a mbo TITUS

NJI'INNŪ AṅWÀ'ANƏ YŪ

A aṅwà'ànè yū aa a le ṅwà'ànə Paul a mbo Titus, mūṅgwà'à yīi mə à le si kwetə nīi nī ifà'a nswonḡə ntoo yī ṅsiginè wá. Titus à le mbə ṅù baGrikiya mə Pual à le ṅghirè a bīi Kristo, a logè yi tsǒ mu yī (1.4) bo yu tigè ṅkarə mfa'a (Gal. 2.3). Paul à le mà'atə Titus a kīṅkī Crete mə tâ à ka nlentə ṅghotə jīi mə i le ntswe ghu aà.

İnnù jī ghà'atè i le tswe a nī ṅghotə jīi i le ntswe a Crete aa mə Paul à le nlòo mə tâ Titus à ghirə. A le tswe nī ṅtsò'òtə bitsyàsè, ṅtanṅtə innū ṅghotə, ṅkīi ntsisə nī bɔɔ bi Krito ghu. Annū ajirə bo bi ibuure innù jī ghà'atè i le ntswe a Crete. Paul a tigə nanṣə swon mə tâ à lentə tsi'ī bə bīi mə àkòrè nizī yaa a ku'unə aa nlèè ni bitsyàsè bi ṅghotə. Nzi a ajàn mə yu tswa bə bitsim, bilii bo bi bōṅkhê. Yu tsǒ figè (2.7), à le ntswe nī ṅka mbe nī à yīi akòrè nītəə, ṅdi'i nī ànnù Nwī tsi'ī siginè, ṅwa'asə nī ṅgāṅndi'innū mbwe'esə bo bi ṅgāṅətītu, bə bīi mə bi swūṅnè ni ṅnnù jīi i yàtə bə aà.

Ka mə bə le si bù'ù nī ṅnnù a Crete aa, a wa'atə ni a mbo Titus mə ibòṅ Nwī nī ṅko mīlīnè yī lèè ṅghirə a yweensə waa bīi bi lèè ṅki mbə tsǒ bə ma bú aa, ṅtsya a ṅjīm Yesu Kristo ṅsi'i waa nī Azwī yī Làà yīi mə à le swī'ī a nu bo aà (3.3-8). Ma mùu ajàn tâ Titus aa ṅgaansə mitīi mi a

swonɔ ɲtoo yĩ ñsigìnè ya nlonɔ mə ìbòɲ Nwĩ i zi aa a nyweense bə̀ bĩtsimè (2.11).

Bì yatê aɲwà'ànè yũ aa laà:

1. Nji'innũ aɲwà'ànè yuà 1.1-4
2. Bĩtsyàsè a ɲghotê 1.5-16
3. Ajàɲ yĩ mə a ku'unə mə bə̀ ka ntswe tsõ ɲgwè'è a ɲghotə aà 2.1-15
4. Adi'itè bo bì àwà'àsè 3.1-11
5. Innũ jĩ mə Paul à ɛ nswonə a nlwĩ'isə aà 3.12-15

¹ Aɲgwà'ànè yuà a lo aa a mbo Paul yĩ mə à nĩ ɲgàɲàfà'a Nwĩ, ɲki mbə ɲgàɲtoò Yesu Kristo aà. Yesu à ɛ ntoo gha mə tâ mè ghɛɛ ɲka ɲkwetə bē bii mə Nwĩ à tsò'ɔ nĩ bi aa, mə tâ bo bii yi tâ àbĩintiì yaa a ka ɲkwe, ɲki ɲka ɲghirə nĩ mə tâ bo zi annù nĩkonɔ yĩ mə a tswe a múm ànnù Nwĩ aà.

² Mĩngàɲ mĩ annù nĩkonɔ mà mú mĩ tswe aa nĩ ñtswèntì yĩ mə ì tswe nĩkonɔ yĩ yĩ mə bì'inè bɛ aà. Nwĩngòn yĩ mə kaa à si abãɲnənnù tsweɛ aa, à ɛè ɲka'a ntswèntì ma yũ a mbo bì'inè m̀bɔɲ tâ m̀bi lɔginə.

³ Nòò à ɛè ɲku'u aa, a ghirè ñtoo mà yũ i fè'è nĩ ñsi nlaa. Á ɛ mfa ntoo mà yũ a mbo mè, ñswon mə mè tigè ñlaansə, yu wa yĩ Nwĩngòn ɲgàɲyweènsə yĩ'inè aà.

⁴ Mə ɲwà'ànə aɲwà'ànə yuà aa a mbo Titus yĩ mə à nĩ mú ghà yĩ ànnù nĩkonɔ a múm àbĩintiì yĩ mə bì'iyu tswe nì yù aà.

Tá Nwĩngòn Tá bo bì Kristo Yesu ɲgàɲyweensə yĩ'inè ghirə ìbɔɲ a nu wò ɲki nĩɲ m̀bɔɔnə a nu wò.

Afà'à yïi mæ Titus à le mfà'à a Crete aa

⁵ Mè le mmà'atè gho a ala'a Crete aa mæ tâ ò manşə ntaŋtə ibùgə innù jïi mæ i le mburə aa ñki ntso'ò bîlii bi ndânwĩ ni mîkurə mîtsim. Wa'atè innù jïi mæ mè le nswon mæ tâ ò ghîrə aà.

⁶ A ku'unə mæ tâ ndîindânwĩ à bə ñû yïi mæ kaa à sî nî àlò'ò tswé; à tswe nî ntswe nî mǎngyè tsi'ï yï mǎfùurè tâ boò bi ki mbə bē bii mæ bi niŋ mîntiî myaa a nu Kristo, ntsuu ki tsə'ə kè ki tî nî àtú.

⁷ Nlon mæ ìfà'a Nwĩ i tswe aa a mbo ndîi ndânwĩ aa, a boŋ mæ boŋ à laa ntswe tî àlò'ò. Tâ ndîi ndânwĩ à tsuu nu ki ñee, ntsuu ntəŋ i ki wǎŋsə lwisə, ntsuu milù'ù ki no baanə, ntsuu fikòrè i ki to, ntsuu ŋkabə si'i i ki furə.

⁸ Ndîi ndânwĩ à tswe nî ñka ŋkwerə bigìi a nda yu, i kii kòŋè nî ànnù yïi mæ a ku'unə. A kòŋè nîinnù jï siginə, i yə ni mæ àkòrè ni zï yi a ku'unə. Tá innù ji i laa a nsi mi'i Nwĩ, ñki ñka nsa'a nî ìbii nû yï.

⁹ A tswe nî nǎŋsə ntswâ ntoo yï n̄siginè ya mæ ì kù'unə mbii aa, ntswa tâ ì tinsə, mbə tsi'ï wa ajàn mæ bi le ndi'ì ghu mbo aà. Ma mùu ajàn boŋ à ka zï ndi'ì ànnù Nwĩ yïi mæ a boŋ a mbo bə ta kii ki kweentə ni a mbo bə bii mæ bi ligitè aa, i wa'asè nî waa ghu.

¹⁰ Bè bî ghà'atè bî nǎŋsə tswe ghu, i bu ki swon aa bə baYuda bii bi bii krîsto ntiî ni mæ bî ka ŋŋetə bə aa, bii mæ bî Ligə tsi'ï ligə mæ mbə bî wa'à tsişə aa, m̄bwe'esə nî bə bî m̄o'ò, ñghaa ni m̄ighàà mi dāŋè dāŋè.

¹¹ A ku'unə mæ tâ bî tsu'unə waa, nlon mæ bo

ninḡ nî àbùùrè a mûm ñḡwè'è jî ghà'àtè, ñdi'i nî ìnnù jii mē kaa bo sî nî ḡka ndi'i tswé, ḡghirè mà mùu ajàn ñlon aa mē bi furitè ḡkabè nyòḡè.

¹² Nù àla'à wàà yî mò'ò yîi mē à ni ḡḡaḡtoò nwî waa, à le nswonè mē, “BaCreta bìtsim à nî ḡḡaḡswonèbaḡḡnènnù, mbè nnaà mitse'è jii mîntiì myaa mi fii aa, bo jî tsi'î jî kaa wa'à fà'à.”

¹³ Ma yuù ànnù mē à swonḡ nlon ḡḡaà yàà aa, à ni tsi'î ànnù nîkonḡè. A nî ñji'î annù yîi mē ò tswe nì ḡwenè waa tsi'î mbè ànnù tã tá bo tswe nî àbîintiì yîi mē a ku'unè aà;

¹⁴ tã wa'à ka nninḡ mîntiì myaa nî ñjyàlà'à jii mē baYuda sa'a aa, kè ni ndi'i bi bê bîi mē bi tuu nî ànnù nîḡkonḡè aà.

¹⁵ Ìnnù tsim i laa ḡkù'ùnè a mbo bè bîi mē ìnnù jyaa i ki nlaà; lá a mbo bè bîi mē ìnnù jyaa i sî laa, kaa bo wa'à ñtiì waa a nu Kristo ki nninḡ aa, kaa ànnù yî tsu a sî a mbo bo laà ñlon mē ibi tà mē ḡḡi'î nî mîntiì myaa bo mòmòntè jyaa.

¹⁶ Bo swonḡ ni mē bo zi Nwî, la mîghirìnè mi ìnnù myaa mi bâḡḡnè ñtuu ni mē kaa bô sî Nwî zî. Bo fumsè nî àzwî bê, ñtiì nî àtu a mbo Nwî, kaa wa'à kù'ùnè mē mbè bo ḡhirè ànnù yî sigìnè yî tsu.

2

Annù Nwî yi annù nîkonḡè

¹ Lá a ḡḡhèè ni wò, ka ndi'i naa annù Nwî yîi mē a ku'unè nyon a ndi'î aà.

² Nî ka ndi'itè bìlii bîi mē bi tswe a titiì bù aa tá bo tsuu milù'ù i ki no i baanè, ḡghirè ni mē tá bè ka b'òtè nî waa, ḡka ntsyèè nî waa, ḡki ḡkaa

ntswa nî ìbiinû waa; tâ àbîintî yaa nî àkòŋnè yaa bo bì à àtànəntî yaa tâ àtinsə.

³ Nî ki ntswe nî ñdî'itə bìlîi bi bânɣyɛ buu mə tâ àkòrè ni zî yaa tâ bə tsi'î tsǒ yî bânɣyè bîi mə ìnnù jyaa i tsinə bo kîi m̀ba'atə nîwaa aà. Tâ bo tsuu bə a nɣim i ki ghàà, i tsuu ibù'ù a mbo m̀lù'ù i kîi bə. Tâ bo ka ndi'i nî ànnù yîi mə a ku'unə aà.

⁴ Bo bə ki dî'i nî ànnù yîi mə a ku'unə aa boŋ bo aa ki m̀rìsè ni bânɣyè bîi mə bo burə ka ki kuu ni a m̀m̀ ǹyɔ'ò kùù aa mə tâ bi ka kɔŋ bìloò byaa ni bɔò byaa,

⁵ ɲka ntsyəsə nî waa, kaa wa'à tsùùrè, ɲghirə nî ìnnù jîi mə m̀nɣyɛ ǹyɔ'ɔ à tswe ni ɲka ɲghirə a nda aà, ɲghirə nî ìnnù jî sigìnè, ɲyu'unə ni bìloò byaa, tã tâ bə tsuu afirə nìghàà ni Nwî lǒ ki fa.

⁶ A ɲɣɿŋ ɲɣɿŋ, ni ki ntswe nî ɲka ndi'ihə nî bɔò ɲgwa'a buu mə tâ bì ka nisyəsə nî waa.

⁷ A ni ìnnù tsim, ò tswe ni mbə àlènsè yî sigìnè a ni m̀ghìrìnè mi ìnnù m̀. ɲka nanɣsə ndi'i nî ànnù Nwî yîi mə a ku'unə aa a ajàn mə mbə bə bɔ'ɔtè aà.

⁸ Ta nìghàà nîi mə ni fè'ɛ a tsǔ wò aa tâ ni bə nî sigìnè, nîi mə mbə ɲù wa'à ɲkà ñligitə, tã tâ ìtu ɲgànkiɸàà jî'inè ì dirə ajàn yîi mə kaa mbə bi wa'à nî ànnù yî bi a nswon a ɲgaa bì'inè tswé.

⁹ A ku'unə mə tâ ibù'ù ì ka nyu'unə bìtaà byaa, ɲka mfa'a ni a mbo bo ni m̀nɣjî yîi mə bo ka ki doritə ni ìnnù tsim aà. Tâ bo tsuu mighàà a mbo ki kwi'itə, i tsa'a ni waa.

¹⁰ Ntsuu nî waa kîi yèrè. Tâ bo ka mbanə

ndì'ì ni mæ bo nî ìbù'ù jî sigìnè, ñghirè nî ìnnù tsìm nî ñtì waa tsìm, ma mùu ajàn, ñghirè ni mæ tâ bè yæ mæ ànnù Nwí Ngànyweensè yí'inè, ya mæ bí'inè dî'ì aa a naŋsə mbòŋè.

¹¹ Nloŋ mæ Nwí à fi'isè mē ìbòŋ yi fàa mbi aa mæ yu yweensè bē bì tsìm ghu.

¹² Ìbòŋ ma ghú i mirìsè nî yí'inè mæ tâ bí'inè ka ntuu ìnnù jîi kaa sî jî Nwí bə aa, bo bì ìnnù jî bi jîi mæ mbi yè'ètè aa, ñka ntsyəsə mæ tâ àkòrè nizì yí'inè a múm mbi yù tâ à tsìnə, mbə yí Nwí.

¹³ Mbe nî n̄bɔɔnə ya yîi mæ bí'inè yu'utə, a ajàn yîi mæ Nwí yí'inè yí ñwè ni Ngànyweensè yí'inè Yesu Kristo à ka yí zì a mum nigha'à ni aà.

¹⁴ Kristo à le mfa ibiinnú yi a atu bí'inè mæ yu tsu'u atú yí'inè a mum ñgɔŋ ìnnù jî bi tsìm, ta ghìrè tâ bí'inè laa ñku'unə ni bè bi, bíi mæ bi yè'ètə a ñka ñghìrè ìnnù jî sigìnè.

¹⁵ Ka ndì'ì ní ìnnù majú a mbo bə ñka ndi'itə ñkii ñwenə nî waa nî àdà'a tsìm yîi mæ Kristo à fa a mbo wò aa. Tsuu bii tâ ñù nibò yí tsù tâ à ka ntsa'a nòô.

3

Akòrè nizì bɔɔ bi Kristo

¹ Wa'atə a mbo bo b̄is̄im mæ tâ bo ka nyu'unə bisa'a bi ala'a bo bì bità bi ala'à. Bɛɛ bo ka nyu'unə nî waa bi kâ ñdoritə a ñka ñghìrè ìnnù jîi mæ i ku'unə aa b̄inòò b̄its̄imè.

² Tâ bì tsuu ìnnù jî bi a ñгаа ñù tsù i ki swoŋə. Ñka ñkhə nî àyòŋè, mbaŋnə ñka mbɔnə, ñkii nsaŋnə a mbo bè b̄its̄im.

³ Nlonj mə tsi'ĩ bĩ'inè, à ɛ mbə a mbĩi aa, bĩ'inè bə ɪ̀ɪ̀ntə bə, n̄t̄ī n̄ī àt̄ú, m̄fanə m̄an̄j̄i, mbə ɪ̀b̄u'ù a mb̄o mb̄uu inn̄u j̄i ghà'atə j̄i mə n̄j̄ȳan̄ú ȳi'inè i yè'ətə ñk̄ī ñk̄oɲə aà. Bĩ'inè ɛ tswe ni àb̄i'int̄ī, bo b̄i àghè'ənè; bə bàà n̄i ȳi'inè, bĩ'inè k̄i m̄baa n̄i waa.

⁴ La nòò wa mə ɪ̀b̄oɲ bo b̄i àk̄oɲnè Nw̄iɲgòɲ Ñḡan̄ȳwèensə ȳi'inè i ɛè m̄f̄e'ɛ aa,

⁵ à ɛ nyweensə ȳi'inè. Kaa à ɛ ɲwa'à ȳi'inè yweensə aa nlonj ìnn̄u j̄i ts̄inè j̄i tsu j̄i mə bĩ'inè ɛ gh̄irè aa bə. A ɛ nyweensə ȳi'inè nlonj aa bə ñko m̄īl̄ɪ̀n̄è ȳi, ñs̄i'ì ȳi'inè, ñkwatə n̄jwe ȳi'inè, m̄fa n̄tswènt̄ī ȳi m̄f̄ī a mbo bĩ'inè n̄tsya aa a n̄j̄im Azw̄i ȳi Làà

⁶ ȳi à ɛ nsw̄i'ĩ a nu bĩ'inè a nan̄sə ñgha'a n̄tsya a n̄j̄im Yesu Kristo, Ñḡan̄ȳwèensə ȳi'inè aà.

⁷ A ɛ ɲgh̄irə ma mùu j̄an̄ aa t̄ă tsȳă a n̄j̄im ɪ̀b̄oɲ ȳi ɲgh̄irə t̄ă ìnn̄u j̄i'inè ts̄inə ghu n̄si m̄i'ì, t̄ă bĩ'inè tigə b̄ij̄ib̄ind̄á b̄i i ȳi tigə tswe n̄i n̄twènt̄ī ȳi mə ɪ̀lw̄i'ì n̄iɲkoɲ, ya ȳi mə bĩ'inè b̄e aà.

⁸ N̄ighàà ma n̄ú ni swonə aa tsi'ĩ ànn̄u n̄iɲkoɲè.

Mə lòò mə t̄ă n̄i kwee f̄imfaa a n̄i ìnn̄u ma j̄ú t̄ă t̄ă bə b̄īi mə b̄i n̄iɲ m̄īnt̄ī myaa a nu Nw̄i aa t̄ă b̄i fa m̄ib̄ī m̄i n̄ú myaa a ɲka ɲgh̄irə ìnn̄u j̄i siḡinè. Ìnn̄u ma j̄ú i ku'unə ɲk̄i mb̄oɲ a mbo bə b̄īts̄im.

⁹ Là ka n̄tsyesə gh̄o n̄tsuu i k̄i kuu a n̄i ìnn̄u nsw̄uɲnè j̄i mə mbə wa'à gh̄uu kwetə bə aà, bo b̄i n̄ī ann̄u a ɲka nsəɲ m̄iwaa m̄i ɲgwè'è bə, n̄tsuu k̄i tonə, n̄tsuu k̄i ȳoɲè ñlonj ìnn̄u n̄oɲsə, ñlonj mə kaa ma ȳú a ni ann̄u dan̄è dan̄è kaa a si ɲú tsu kwetə.

¹⁰ Mbə ɲù a tswe a titiì bù mə a zĩ nî ɲyàtə, nì wa'asə yì a ɲɡaa yì m̄fùùrè kè ji baa, a tuu yu'utə, nì tsùù nî ànnù bu bo bũ tswe.

¹¹ Nì zi mə àjànè ɲû ma yû à fànè m̄ê, ɲki mbə ɲû yì m̄bî; à n̄n̄ mə isa'a a nu yu yumbɔn̄è.

Idi'itə Paul ji nlwĩ'injìm

¹² Βεε m̄è too Artemas k̄ Tychicus a mbo wò ò w̄aɲsè n̄zi ntsi'i gha a Nicopolis, nlon̄ mə m̄è kà'a mə m̄è ka tswe gh̄u a noò m̄fə'è.

¹³ Yə mə m̄è ò kwètə Zenas ȳii mə à nì ɲɡaɲɲ̄n̄tə m̄isa'a aa bo Apollos t̄a bo gh̄e wa n̄ghaà; ɲyə mə bo tswe n̄i ɲjòò ts̄im j̄ii mə bo lòò aà.

¹⁴ Yə mə b̄ə b̄i'inè yəgə a ɲka mfa ìb̄iin̄ú waa a ɲgh̄irè ìnnù j̄i siḡinè t̄ă ki kwètə bè n̄i ɲjoo j̄ii mə bo lòò aa, a ka kù'ùnè mə t̄a bo tsuu noò w̄àà ki bwesə a d̄aɲè d̄aɲè.

¹⁵ Bè bits̄im b̄ii mə b̄i tswe b̄i'ibo aa, b̄i too àtsà'atè a mbo wò. Tsà'atè bè b̄ii b̄i kòɲè yì'i aa nlon̄ mə b̄i'ĩ ki mbii Kristo aà. T̄a ìbòɲ Nw̄i ì lwi'i a mbo bù bits̄imè.

Bafut
Bafut: N̄toò Kristo yî N̄sigìnè: mìkàà yî mfiì New
Testament

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

5d039b4a-c9a1-50b1-8a61-176cf48aa271